



UNIVERSITÄTS-  
BIBLIOTHEK  
PADERBORN

**SANCTI|| IOANNIS|| DAMASCENI OPERA,||**

**Johannes <Damascenus>**

**Parisiis, 1577**

De beneficio, & oblatione ex iniquis opibus facta. cap. xxiii.

---

[urn:nbn:de:hbz:466:1-71880](https://nbn-resolving.org/urn:nbn:de:hbz:466:1-71880)

generare debemus, cum ipsi misericordia opus habeamus: nec homines aspernari, cum ipsi homines simus.

*Chrysof.* Cum hostem tuum in manus tuas incidisse videris, ne tempus illud ultionis esse, sed salutis existimes.

Tum præsertim hostibus parcendum est, cum eos in potestatem nostram redactos habemus. Multi principes, cum imperio potiti, eos, à quibus olim læsi fuerant, cepissent, æquum atque honestum esse censuerunt inuidias acceptas minimè vindicare. Atque potestatis amplitudine factum est, ut cum ipsis in gratiam redirent.

Nihil tutius est, quam hostibus ignoscere: nihil periculosius, quam seipsum vlcisci ac vindicare.

Multo maius & fructuosius est parcere, quam obruncare. Qui enim inimicum de medio sustulit, hic per sepe quoque sese accusabit, ac malè sibi conscius erit, singulisque diebus & horis à peccato illo diuexari se sentiet. Qui autem ei ignouerit, ubi patientiam aliquantisper præstiterit, postea in summa animi letitia & voluptate versabitur, ac bona & iucunda spe nitetur, patientiæque præmium à Deo expectabit. Ac si quando in calamitatem aliquam incidit, cum ingenti animi fiducia mercedem à Deo postulabit.

*Cyrillus.* Præclara & laude atque admiratione digna bonitas est, misericordiam ipsi, qui nos odio habere in animis inducunt, porrigere; atque opem ferre, ipsorumque saluti studere, nec tam iacentibus insultare ac velut inequitare, atque eam calamitatem, in qua versantur, risui ac ludibrio per summam crudelitatem habere, quam ea, quæ ipsos è laqueo eximere possint, facere ac moliri: ac præterea eorum causa supplices ad eum, qui rerum omnium imperium tenet, preces adhibere.

Calamitatibus alienis commoueri, non autem calamitosos odisse atque insectari conuenit.

*Nilus.* Minimè æquum est ad omnem hominis lapsum ac peccatum insolenter sese efferre, atque deiecto insultare, quamuis etiam aliqui is teterrimus atque acerbissimus hostis esse videatur: verum ipsius potiùs vicem dolere, ac pro eo ad Deum vota facere, metuque & pauore affici, secumque hoc considerare, fieri posse, ut is, qui deiectus est, victoriam tandem adipiscatur, is autem, qui sibi stare videtur, præter expectationem suam grauissimè corruat, atque in huiusmodi lapsu intereat.

Si quempiam raro à virtutis curriculo deflectere, atque in diaboli fraudem labi contingat, caue de ipso calculum tibi sumas, eumque condemnes. Quin potius illud verere, ne tu quoque cadas.

Aliorum calamitate gaudere, etsi quandoque iustum est: tamen id ab humanitate disidet.

### De beneficio, & oblatione ex iniquis opibus facta. CAP. XXIII.

*2. Reg. 24.* **D**IXIT Dauid ad Areuna: Da mihi locum areæ, ut ædificem altare Domino, & cesset interfectio, quæ grassatur in populo. Et ait Areuna ad Dauid, Accipiat & auferat dominus meus rex, sicut placet ei. Cui respondens rex ait: Nequaquam ut vis, sed emam pretio à te, & non offeram Domino Deo holocausta gratuita. Emit ergo Dauid aream & boues argenti ficlis quinquaginta.

*Ecli. 34.* Immolantis ex iniquo, oblatio est maculata: & non sunt beneplacitæ donationes iniustorum. Qui offert sacrificium de substantia pauperum, quasi qui victimat filium in conspectu patris sui. Vnus ædificans, & vnus destruens: quid prodest illis nisi labor? Vnus orans, & vnus maledicens: cuius vocem exaudiet Deus?

*Chrysof.* Qui alicuius res usurpat, easque alteri tribuit, non modò misericordiae munere non fungitur, sed etiam grauissimo scelere se astringit. Nam si ex ipsis, quæ per iniuriam collegisti, misericor-

**A** misericordiam impertire in animum inducis, eorum te misereat, quibus iniuriam inferis. Etenim is demum pius habendus est, non qui multis misericordiam prestat, sed qui neminem iniuria afficit. Quocirca si misericordiae munus obire in animo habes, de iustitiae fructibus id facito.

*Si pauperibus spargis, quae tua sunt, sparge. Etenim aliena xizaniis acerbiora sunt. Agrum enim colis, quem metere non potes.*

*De mancipibus, & iis qui se in alienas lites iniiciunt. CAP. XXIIII.*

**I**CVT qui apprehendit auribus canem: sic qui tunc impatiens, & *Prov. 26.* commiscetur rixae alterius.

**B** Confilium improborum iniqua vult: delere humiles in sermonibus iniustus, & dissipare sermones pauperum in iudicio. *Esa. 10.*

Qui persequitur operis conductionem, incidet in iudicium. De negotio *Eccli. 29.* quod tibi necessarium non est, ne litiga. *ii.*

*De probis Episcopis, ac Dei mandata seruantibus. CAP. XXV.*

**C** **H**OMO qui habuerit maculam, non offeret panem Deo suo, nec *Leuit. 21.* accedet ad ministerium eius: si caecus fuerit, si claudus, si vel paruo vel grandi vel torto naso, si fracto pede, si manu, si gibbus, si lippus, si albuginem habens in oculo, si iugem scabiem, si impetiginem in corpore, vel herniosus. Non accedet offerre hostias Domino, nec panem Deo suo. Vescetur tantum panibus qui sunt in sanctuario: ita duntaxat, vt intra velum non ingrediatur, nec accedat ad altare. Meretricem & pollutam non accipient: quia sancti sunt.

Sacerdotes tui induantur iustitiam: & sancti tui exultent. *Psal. 133.*

Diligenter agnosce vultum pecoris tui, tuosque greges considera. *Pro. 27.*

Pascite oues occisionis, quae qui possederant, occidebant, & non dolebant: & *Zach. 11.* vendebant ea, dicentes: Benedictus Dominus, diuites facti sumus: & pastores eorum non parcebant eis.

**D** Fili hominis, speculatorem dedi te domui Israel: & audies de ore meo verbum, *Ezech. 3.* & annuncabis eis ex me. Si dicente me ad impium, Morte morieris, non annunciaris ei, neque locutus fueris, vt auertat se a via sua impia, & viuat, ipse impius in iniquitate sua morietur, sanguinem autem eius de manu tua requiram. Si autem annunciaris impio, & ille non fuerit conuersus ab impietate sua, & a via sua impia, ipse quidem in iniquitate sua morietur, tu autem animam tuam liberaisti. Sed & si conuersus iustus a iustitia sua fuerit, & fecerit iniquitatem, ponam offendiculum coram eo, ipse morietur: quia non annunciauisti ei, in peccato suo morietur, & non erunt in memoria iustitiae eius quas fecit: sanguinem vero eius de manu tua requiram. Si autem tu annunciaueris iusto, vt non peccet iustus, & ille non peccauerit, viuens viuet, quia annunciauisti ei, tu autem animam tuam liberauisti. *34.* Vinum non bibet omnis sacerdos, quando ingressurus est atrium interius. Ex omnibus primitiis vestris erit sacerdotibus.

Qui sancte sancta custodierint, iustificabuntur: & qui ea didicerint, defensionem inuenient. *Sap. 6.*

Noli querere ab homine ducatum, neque a rege cathedram honoris. In tota *Eccli. 7.* anima tua time Dominum: & sacerdotes illius admirare. In omni virtute tua dilige eum qui te fecit: & ministros eius ne derelinquas. Time Dominum, & honora sacerdotem, & partem da illi, sicut mandauit tibi Dominus. Rectorem te posuerunt? Noli extolli: esto in illis tanquam vnus ex ipsis. Curam illorum habe, *32.* & sic considera, & omni cura tua explicita recumbe: vt lateris propter illos, & ornamentum gratiae accipias coronam.

O